



KERJA persiapan untuk mewujudkan Hospital Medan giat dilakukan di Dewan Kompleks Sukan Tawau, Sabah, semalam.

Siap siaga tubuh Hospital Medan

Oleh Abdul Rahemang
Taiming
am@hmetro.com.my

Tawau

Persiapan mewujudkan Hospital Medan bagi menempatkan pesakit bukan Covid-19 giat dijalankan di Dewan Kompleks Sukan Tawau di sini, semalam.

Hospital Medan yang terletak kira-kira sepuluh minit perjalanan dari Hospital Tawau itu dibina dengan kerjasama Kementerian Kesihatan Malaysia (KKM) dan Angkatan Tentera Malaysia (ATM).

Ketua Pengarah Kesihatan Tan Sri Dr Noor Hisham Abdullah menerusi akaun Facebooknya berkongsi beberapa keping gambar persediaan dan kerja yang dilakukan di dewan terbabit.

"Pesakit bukan Covid-19 dari Hospital Tawau akan dirawat di Hospital Medan ini khususnya untuk perkhidmatan *obstetrics & gy-*

Pesakit bukan Covid-19 dari Hospital Tawau akan dirawat di kemudahan dibina ATM, KKM



*Pesakit bukan Covid-19 dari Hospital Tawau akan dirawat di Hospital Medan ini khususnya untuk perkhidmatan **obstetrics & gynaecology, paediatrics, orthopaedic dan pembedahan am***"

Dr Noor Hisham



PESAWAT TUDM membawa kelengkapan perubatan.

naecology, paediatrics, orthopaedic dan pembedahan am.

"Ini akan memberi lebih banyak ruang kepada Hospital Tawau merawat kes yang memerlukan penjaagaan rapi (pesakit Covid-19 kategori 3 hingga 5) termasuk yang dirujuk dari daerah berdekatan, khususnya Semporna," katanya menerusi hantaran di Facebook beliau, semalam.

Sementara itu, beliau berkata, bagi kes Covid-19 yang tidak mempunyai gejala atau gejala ringan (kategori 1 dan 2) akan ditempatkan Pusat Kuarantin dan Rawatan Covid-19 Berisiko Rendah (PKRC).

"Kementerian (Kesihatan) menzahirkan ucapan terima kasih kepada semua pihak terutama ATM yang membantu menjayakan Hospital Medan ini," katanya.